

## Пудо вордон фермаосты укомплектовать кароно

Арлесь бжит гинэ тросгес ортчиз ни со дырысен, ку Советской Союзьсь СНК но ВКП(б)-лэн ЦК-ез решение кутызы общественной пудо вордонэз развить карон сярысь. Та дыр кусын трос азинскон'ёс луэмын общественной пудо вордонэз будэтон'я. Тросэзлэн колхоз'ёслэн куинь, ньыль пудо вордон фермаоссы. Кытын колхозэн кивалтйсьёс, партийной организациос по-большевицки ужало общественной пудо вордонэз умоютон ужын, отын уж но умой мынэ. Соы примерен луо «Молодая республика», Ленин нимо, «Большевик» колхоз'ёс но мукет'ёсыз.

«Молодая республика» колхозлы план'я МТФ-зы 105 йыр пудооссы ке луоно, соослэн 113 йыр, СТФ-азы 90 интые 100 йыр парсьёсы, ыж'ёсы 110 йыр кулэ, со мында ик вань. Колхозлэн председателз Т. Г. Жуйков, животновод Е. Ф. Будина — орденосец, СССР-лэн Верховной Советэзлэн депутатэз по-большевицки кивалто колхозной пудо вордонэз умоютонэн, соин ужзы во умой мынэ. «Большевик» колхозын МТФ-азы 22 скал'ёсы интые 23, парсьёсы 30 йыр интые 78 йыр, ыж'ёсы 49. Ленинлэн нимыныз нима колхозын МТФ-азы 100 йыр интые 131 йыр пудооссы, парсьёсы 108, ыж'ёсы 71 йыр.

Бидэс Дебесс районмес ке бастоно, общественной пудо вордон'я планмы бидэсмынтэ. МТФ-осын 2267 скал'ёс, ветыл'ёс ке луоно план'я, 1-тй октябрь азелы 2181 йыр гинэ лыд'яське или — 96,2 процент гинэ. СТФ-осын план'я 3020 ке парсьёс луоно, лыд'ясько 2291 йыр гинэ, или — 75,8 процент гинэ. ОТФ-осын но план 84,2 процентлы сяна тырмынтэ.

Общественной пудо вордон сярысь партилесь но правительстволесь постановленизэс сантэмаса, тужгес безответственно, беспечно ужало «Красный боец», «1-й луч», Киров нимо, «В-поле», «Динамо», «Маевка» колхоз'ёслэн руководителсьёсы, «Красный боец» колхозлы план'я 33 йыр

ке вордоно суро бадзым пудооссы, соослэн 23 гинэ, парсьёсы 48 интые 19 сяна бвёл, ыж'ёсы но 29 интые 18 гинэ. «1-й луч» колхозын 75 скал'ёс но ветыл'ёс интые 63 йыр гинэ, 108 парсьёсы интые 67, сяна бвёл, ыж'ёсы 81 ке луоно вал — 75 гинэ. Кировлэн нимыныз нима колхозын МТФ-азы 40 скал'ёс интые 18 гинэ, ыж'ёсы 47 луон интые 36 сяна бвёл.

Тйни та колхоз'ёсысь колхоз председателсьёс: Бушмелева, Опарин, Будин общественной пудо вордонэз развить карон сярысь партилесь но правительстволесь постановленизэс игнорировать каро. Котыкыче луонлык'ёсы луыса фермаоссэ укомплектовать уг каро.

Та дыре районамы общественной пудо вордонэз эскерон мынэ. Колхозэн кивалтйсьёслы, партийной организациослы, сельисполком'ёслы но вань колхоз активлы азыпалазы туннала бидэстон задачаен пуктоно — вань колхозной пудо вордон фермаосты одно ик план'я 100 процентлы укомплектовать каронэз. Соы туэ арын котыкуд колхозлэн быгатонлык'ёсыз вань, пудо сюдон: куро, туры но ю-тысь тырмыт. По-большевицки гинэ ужано.

Колхоз'ёсын пудоос бвёл нуыса вераськыны вокызы но уг луы. Тани Калининлэн нимыныз нима колхозын 5 колхозной хозяйстволэн быдэн 4 скал'ёсы но ветыл'ёсы. Сельхозартельлэн уставез'я нош 1 скал но 1 ветыл гинэ колхозник'ёс вордо, мултэсэ колхозной фермаосы сётоно луо. А та колхозын ик фермазы 6 йыр скал'ёсы план'я уг окмо. Таче факт'ёс мукет колхоз'ёсын но вань.

Вань сыче но случайёс, что колхозник'ёс пудозэс колхозазы фермае сётон интые, базаре вүзаны потто. Али кылем базарын 30 скаллэс но трос вүзаны поттэмын вал. Озы тросэз пудо пурт улэ кошке.

Таче антиколхозной, антигосударственной уж'ёслы

чурит отпор сётылэмын луыны кулэ. Сельхозартельлэн уставез курем'я, колхозник'ёслэсь мултэс пудооссэс одно ик колхоз фермаосы бастылоно. Колхозник'ёс, куд'ёсыз солэсь пумит'яськызы, соосын колхозной, государственной кылын вераськоно. Колхозной общественной пудо вордонэз умоютон — вань колхозной пудо вордон фермаосты укомплектовать карон — вань колхозник'ёслэн, вань партийной но советской организациослэн, вань советской общественностьлэн ужзы. Та нунал'ёсы вадьмыз пудо вордон фермаос укомплектовать каремын луыны кулэ.

### Уг дун'яло пудо вордонэз

Пудо вордонэз уг дун'яло Лесагурт сельсоветысь «1-й луч» но «Виль гурт» колхоз'ёс. «1-й луч» колхозлэн МТФ-аз 12 скал'ёс уг окмо на, парсьёсы 46 йырлы бжит.

Умой ик бвёл «Виль гурт» колхозын но. Таослэн фермаосазы уг окмо на 24 ыж'ёсы но 12 парсьёсы.

Общественной пудо вордонэз развить карон сярысь партилэн но правительстволэн решениосыз та колхоз'ёс понна гожтымтэ-а ма?

Серебрянников.

## Вань фермаос укомплектовать каремын

Уд-Лем сельсоветысь колхоз'ёс общественной пудо вордонлы бадзым саклык сётыса, 15 октябрь азелы вань пудо вордон фермаоссэс укомплектовать карызы. «Молодая республика» колхозлэн кемалась пудо вордон фермаоссыз тырмыт укомплектовать каремын вал ни, нош «14-я годовщина» но «Золотой дождь» колхоз'ёс али план'я тырмыт пудоос бастызы фермаосазы. Таослы мултэс пудооссэ вүзаз «Молодая республика» колхоз.

Баженов.

### 36 ыж бастызы

Кытын ке колхозлэн пудо вордон фермаоссы тырмыт укомплектовать карымтэ на ке, али пудо бастонлэн самой дырыз. «Красный сеятель» но «Гранит» колхозлэн фермаосазы уг окмо на вал ыж'ёсы, али та нунал'ёсын быдэн 18 ыж'ёс бастыса тырмыт план'я фермаоссэс укомплектовать карызы.

Пудо вордонэн умояз ужзы «Красная колонна» колхозын. Татын 4 ферма организовать каремын ни. Кемалась бвёл птицеферма кылдыт ызы.

Л. П.



Киевской областысь, Киевской районуьсь „13 лет Октября“ нимо колхозлэн умой дояркаез А. Н. Бойчук, 1940 арын ВСХВ-лэн участницаез, 8 толзэс куспын та каждой фуражной скаллы быдэ кускиз 2500 литр йлзэс.

## Колхоз'ёс мултэс няньзэс государстволы вузало 3000 центнер вузамын ни

Жутскем мылкыдын вузало мултэс няньзэс колхоз'ёс государстволы. «Аидан» колхоз, председателес Стрелков эш, Ленинлэн нимыныз нима колхоз, председателес Главатских эш, мултэс няньзэс государстволы вузало бьдэн 150 центнер. Калининлэн нимыныз пима колхоз, председателес Гаврилов эш, 250 центнер государстволы вуза няньзэ. «Серп и молот» колхоз по 150 центнер мултэс няньзэ государстволы вуза.

Районысьтымы колхоз'ёс 3000 центнерлэсь по трос мултэс няньзэс государстволы вузазы ни. Вузан мынэ на.

Вузан няньзы понна колхоз'ёс кооперации заявка лэсьто басьтыны сложной сельхозмашинаос, авторезинаос, брезент'ёс по мар. Государстволы трос вузалом мултэс няньмес, социалистической промышленностьлэсь трос басьтом ибртэм сложной машинаос, шуо колхозник'ёс.

Вератэк кельтыны уг дуы отсталой настроениен ужась колхоз'ёсты по соослэсь кивалтисьёссэс. Мултэс няньзэс вузаны быгатыса, та дырозь одйг килограмм по өз вузалэ на тачеес колхоз'ёс: «Советский герб» колхоз, председателес Караваев, «Красный Октябрь» — председателес Хохряков, «14-я годовщина» — председателес Зюжиков. Урожай колхозын по өз вузалэ на. Та колхоз'ёсын кивалтисьёслы отсталой настроенизэс куштыса, азымынсь колхоз'ёслэсь бере кылёно йёл.

Тепляшин.

## 200 центнер вузало

«Молодая республика» колхоз'ёс общээр колхозник'ёс мултэс няньзэс 200 центнерлэсь государстволы вузаны. Со сяна 50 центнер колхозной базарын вузаны решить каризы на.

А. Б.

## КЫН УЛЭ ГЫРОН

### Одйг валэн но уг гыро

Вылй урожай басьтон понна урод нюр'ясько Ариково сельсоветысь колхоз'ёс. 15 октябрьлы сельсовет'я 307 гектар гинэ кын улэ гыремын ни, гыроно пош 720 гектар. Тужгес урод ужало та пумысен «Сосновый бор» колхозын, татын 120 гектар интые 11 гектар гинэ гыремын. Гырыны али дуьса по одйг колхоз по кын улэ уг гыры.

Владыкин.

## 25,1 процент гинэ

Сюрногурт сельсоветын 8 колхоз'ёс, туннэ нуналлы одйгез но кын улэ уг гыро. «Кр. звезда» колхозлы план'я гыроно 113 гектар, гыремын 7,9 гектар гинэ. Та но гыремын тракторен, вал'ёсы 18 луьса, гырыны өз кутскылэ на. Буденныйлэн нимыныз нима колхозын прочсэ өз гыре на.

«Красный бондарь» колхозын умойгес уж'ёс, татын 73 гектар интые 57 гыремын ни. Сельсовет'я гыроно ке 1215 гектар, гыремын 305 гектар гинэ, яке 25,1 процент гинэ Колхоз'ёсын 146 вал'ёс, соосын одйгеныз но кын улэ уг гыро.

Калинин.

## Дышетскемзы понна дун тыро

СССР-ысь средней школаослэн старшой класс'ёсазы но высшой учебной заведениосын дышетскем понна дун тырон тупатон сярсь но стипендиос назначать карон порядокеш воштон сярсь правительстволэсь решенизэ умояса, рабочийёс, колхозник'ёс но служащойёс дышетскись нылпиоссы понна чик жегатскытэк дун тыро. Дебесс педучилищеын 54 мурт дышетскисьёс нырысь жыны ар понна бьдэн 75 манет тыризы ни. Куиньметй курсын дышетскисьёс Емельянова Вера, Жигалова Ефтолия бьдэн 150 манет тыризы ни, Емельянов Владимир — 130 манет.

Нырысь ик дун тыризы Козьмин Анатолий, Захарова Нина, Горнев Александр, Кочурова Тамара, Зуев Карп, Воронцов Вениамин но мукет'ёсыз. Азыло мыно комсомолец'ёс. Дышетскисьёслэн родительёссы куд-огез нылпиоссэ дышетэмысь дугдытыны малпало вал. Тани Шилов Григорийлэн бубиз лыктэм ни вал пизэ нуыны, но вераськем, валэктэм бере шуиз: «Пиме высшой образовани басьтытоязз дышето, кынар солы сузёз. Советской Союзын дышетскытэк кылён луэ позорен». Тазыы ик мукет'ёсызлэн но дышетскисьёслэн родительёссы малпало.

М. Корепанов.

## ОКТАБРЬЛЭСЬ XXIII-ТЙ ГОДОВЩИНАЗЭ НО УДМУРТИЛЭСЬ XX АР ТЫРМОНЗЭ ПУМИТАНЭ

### Кутсаськон бьдэстэмын

«Элеватор» колхозлэн председателес Богатырев эш агитационно-массовой ужез умойнуэм вамен но колхозник'ёс пблын чурьт дисциплина пуктыса, бадзьимесь азинскон'ёс басьтыны быгатйз. Ю октон-калтон вакытэ уважительной причиятэк колхозник'ёсын одйг прогул по лэсьтэмын йй вал. Уйин кутсаськон дыр'я ваньмыз колхозник'ёс Жутскем мылкыдын ужаменызы, кутсаськонзэс бьдэстйзы ни. Озы ик картотка компанзы но дырыздыр'я бьдэстэмын. Возь выльсь ваньзэ етинзэс жутыса, састыны кутскизы ни. Удмуртилэн автономиезлы 20 ар тырмон нуналозь государство азын вань тыронмес бьдэстом шуо таос.

Мукет'ёсызлы но колхоз'ёс-лы таослэсь пример басьтоно.

В. Волков.

### Вылй номеро гинэ мертчан сётон

«Юный пахарь» колхоз ни. Кутсаськонзэс бьдэстозы арысь аре котьмар уж'ёсын бере кылись колхозэн лыд'яскылйз. Кылем аре но государстволы ю тысь тыронзэс өз бьдэстэ вал. Туэ «Юный пахарь» «Пролетарий» колхозэн социалистической чюшатыкыса ужанэ пириськыса, Удмуртиялэсь XXIII-ти но Великой Октябрьской революциялэсь XXIII-ти годовщиназэ производственной воррем уж'ёсын пумита. Государстволы ю тысь по картотка сётон планзэс бьдэстйзы

20 октябрыз. Али колхоз етин састыны кутскиз. Центнер мертчан сэтэмын ни. Хохрякова Антонида льноводкалэн кивалтэм улсаз умой етинзы бьдэстэмын. «Вылй номерен гинэ сётон етин мертчанмес. Али сэтэмын 12 номерен мыноз», шуо колхозник'ёс.

Колхозын ужзы умой, понер организовать каремен, гужем уж'ёс чюже одйг прогул по йй вал.

Л. Стрелков.

### Етин сэсто

Ваньмыз ик колхоз'ёс Сюрногурт сельсоветысь етин жу тонзэс бьдэстйзы ни. Буденныйлэн нимыныз нима колхоз Жутэм етинзэ састыны кутскиз.

Калинин.

### Уйёсын етин ужало

Лесагурт сельсоветысь «Ударник» колхозын нуназе кутсасько, а жыг'ёсын етин сэстон бордын ужало. Мукет колхоз'ёслы но тазыы ужзэс организовать кароно.

Серебрянников

### Птицеферма кылдытэмын

Ленинлэн нимыныз нима колхозпудо вьрдонэн азымынсь колхоз лэу. Кылем аре таос животноводстволэсь 52 сюрс манет доход басьтйзы. Али птицеферма организовать карыса, 70 курег'ёс басьтэмын ни, ваньзэ 200 курег'ёс басьтэмын луоз. Птицеферма-лы нимысьтыз бадзым выль помещение лэсьтэмын. Штицефермаен та колхозын вьтетйез ферма кылдытэмын.

Пономарев.

### Йёл тыронзэс дырызлэсь азыло бьдэстйзы

Тольен сельсоветысь «Кр. горка» но «Маевка» колхоз'ёс йёл тырон планзэс дырызлэсь азыло бьдэстйзы. «Маевка» колхоз сентябрь толэзьлэсь азывыл ик бьдэстйзы. Мукет'ёсызлэн но колхоз'ёслэн быгатонлык'ёсы вань государство азын вань тырон планзэс бьдэстыны.

О. Луппова.

Отв. редактор Г. ПОНОМАРЕВ.

### Ужасьёс кутйсько

Ижевской Мотоциклетной заводзэ реконструировать карон уже: плотник'ёс, каменщик'ёс, землекоп'ёс но мукет строительной ужасьёс пийс'ёс но нылкышноос 16 аресысен. Котькыче справкаос понна обращаться кариське таче арес'я: Дебессело, Набережной ульча Е. А. Ложкинлэн домез, П. Ф. Поздеевлы.